

Antić: Abid Kovačević je bio pravi igrač;

22/02/2009 15:19 by BanjaLukaSrcu

Predavanje selektora reprezentacije Srbije Radomira Antića o temi "Aktuelnost fudbala nakon Evropskog prvenstva u Austriji i u vicarskoj 2008. godine" izazvalo je jučer u Banjoj Luci veliko interesovanje.

Antić je predavanje održao u sklopu seminara za licenciranje, koji su organizirali FSRS i Centar za edukaciju trenera NSBiH.

- Stvarno sam prezadovoljan. I ranije sam u nekoliko navrata imao priliku da ovdje prepoznam ljude koji zaista vole fudbal i kojima je stalo da se kompletna sportska atmosfera i u Srbiji i u BiH podigne na jedan viši nivo - kazao nam je Antić nakon seminara.

Budući da je gotovo dvije decenije proveo kao trener na Pirinejskom poluostrvu vodeći tamošnje vrhunske klubove (jedini je uvijek na svijetu koji je sjedio na klupi Reala, madridskog Atletika i Barcelone), upitali smo ga šta misli o šansama BiH u kvalifikacijama za Svjetsko prvenstvo u grupi u kojoj je favorit reprezentacija Španije.

- Prije odgovora na to pitanje, moram istim riječima uzvratiti na kompliment svom kolegi Blaževiću koji je, kada sam preuzeo Srbiju, rekao da je ekipa dobila odličnog selektora. I inače smo veoma dobri i iskreno mu želimo mnogo uspjeha.

A to se grupe tiče, Španija je sada možda i najjača reprezentacija na svijetu i nju je teško dobiti. A Bosanci su je u Mursiji izuzetno namučili. Naravno, sve šanse su na strani Španaca, ali ni BiH nipošto ne treba potcjenjivati. Imate vi izuzetno dobrih fudbalera i potrebno vam je malo sportske sreće za pravi rezultat - kazao je Antić.

Kovačević je bio pravi

Na pitanje da li se sjećate vremena kada je kao igrač Partizana dolazio na Gradski stadion u Banju Luku, Antić se prisjetio i jednog velikog rivala.

- Uvijek sam volio dolaziti u ove krajeve, jer je moja majka sa Grmeča, pa je i Krajina nekako moja. Naravno da se sjećam tih utakmica, imao je Borac u to vrijeme baš dobar tim. Velike borbe vodio sam s Abidom Kovačevićem. On je bio pravi igrač, uvijek opasan i znao me je dobro namučiti - prisjetio se Antić.

(avaz/cb)

Izvor vijesti: Cyberbulevar